

靈寶領教濟度金書卷

九十八之
九十九

湯八

靈寶領教濟度金書卷之九十八九十九湯

洞微高士開光救苦真人竊全真授

靈寶通玄弘教水南先生林靈真編

科儀立成品青玄黃錄用

謝恩醮儀

燒香頌

各禮師存念如法

衛靈呪

五星列照 煥明五方 水星却災 木德致昌

熒惑消禍 太白辟兵 鎮星四據 家國利亨

刊名玉簡 錄字帝房 乘飈散景 飛騰大空
出入冥无 遊宴十方 五雲浮蓋 招神攝風
役使萬靈 上衛仙翁和與道合真

鳴法鼓二十四通

無上三天玄元始三炁太上老君召出臣等

湯八

身中三五功曹左右官使者侍香金童傳言
散花玉女五帝直符直日香官各三十二人
出出者巖裝闕啓玄壇天帝神君當召此間
土地里域真官正神急上闕啓臣今奉爲入
意以今設醮謝恩願得東極青玄妙炁百寶

光明下降流入臣等身中令臣所啓之誠速
達徑御

東極青玄老君太乙救苦天尊運明保元上
帝御前

請稱法位

位奉行青玄黃籙妙齋謝恩清醮法事小

臣某與臨壇官衆等謹同誠上啓

上无極大道虛无自然元始天尊太上道
君太上老君東極青玄老君太乙救苦天尊
運明保元上帝十方應化救苦天尊九天生

神上帝三十二天上帝五靈五老上帝上清
十一曜星君三元三官大帝北極四聖真君
北極九府上真道君南辰六闕上真道君二
十八宿星君泰玄樞機三省諸相真君靈寶
五師真君九天諸司真宰天曹諸司真君大
慈大悲救苦真人大慈大悲大惠真人妙行
真人法解真人太乙玄生府青玄黃籙院主
宰仙官黃籙九司仙靈九天普度院仙真靈
官三元三官九府主宰五嶽五帝真君五天
聖帝祖玄真師真人本派經籍度師真人北

湯八

二

陰玄天艷都大帝九壘十洞六宮九幽冥路
主執神靈本州本縣城隍里域廟貌聖衆三
界應感一切真靈臣聞赤明開圖祖炁敷洪
濛之粹青華御極神光散混沌之精握蒼蓋
而稟清微臨黃輿而蘇北鬱靈風鼓舞威神
遍滿於十方甘露涵濡慧力圓通於三界凝
紫金之瑞相宴碧玉之祥區二府雲聯九司
星列尋聲赴感慈悲演念於香林應化分身
道德凝玄於騫樹天人皈命幽顯傾心爲苦
海之道師實昏衢之教主今齋主某一念疏

淪五體澄虛俯軫北單已拜鴻龐之惠仰瞻
東極爰殫螻蟻之誠莫結草以抒衷姑采蘋
而致薦伏願龍旂翠節翊霄景於玄虛鳳葆
珠幢擁靈輝於碧落清蹕肅獅頭之駕黃麾
嚴豹尾之塵十華之月駟來臨風雲混景三
極之霞驂迅蒞水月交融不忘應感之私悉
副懇祈之切臣等不勝瞻
天望聖激切之至謹當奏請

請聖

三界衆真黜筵列聖適伸拜請諒沐光臨請

各整於仙班共祇迎於
帝馭

降九位

鸞輿至止鶴駕臨軒與醮衆真如儀朝禮朝
禮既周請陞醮席齋主上香設拜初進酒

初獻

步虛

具位臣某與臨壇官衆等謹重誠上啓

三清上聖東極慈尊三界仙真無鞅聖衆臣

聞雲層萬帝青林凝生炁之華風澤億曹黑

壘結死氛之翳羅六天之鬼域列九地之神
鄉職宰陰陽權司水火銅柱峻峭羅業網以
高張鐵壘周遭僂寃輪而旁運匪廓慶雲之
汗漫孰開昏霧之溟濛俾宴玉芝永超金粟
企神功於浩劫仰願力於終天虎拜勤渠鳳
瞻激切今齋主某重念亡故某七情海闊五
蘊山高循蝸角以酣華罔思烏織逐蠅頭而
漁獵妄意駒馳日成迷空色之關舌在味是
非之徑天和流浪人僞紛縈黑簡書名忽乘
危以仇豎青編削字遂構釁而寃彭等閑四

大之各離倏忽九京之長徃北艷考對東岱
推研匪請命於妙嚴曷升神於霄極齋崇救
苦遵黃籙之金科恩露施仁敷青玄之玉誥
肅芝壇而肆覲依蓮座以對揚潔己首愆精
心徼福果沐度生之惠特敷超死之功蒼極

湯八

四

流光超形形於地獄朱陵受鍊返烝烝於天
堂德踰蒿華之崇澤邁滄溟之大上德不德
固何意於環珠知恩報恩當罄情於瑤玖蘋
蘩冒列葑菲自慚爰有青詞謹當宣奏

國音具旦詞

詞旨具陳淵東洞鑿茅茨不剪僭陳綿蕝之
儀黍稷非馨重瀹絲毫之獻九思芒負三省
冰兢伏願聽卑不遺流丹恩於雨露臨下有
赫追玄憲於風霆混萬聖以時歆羅千真而
日暨蒙如蟻禱宣謝鴻私臣下情不勝虔禱
之至

亞獻

臣等謹重誠上啓

三清上聖東極慈尊三界仙真無鞅聖衆臣
聞渺渺大羅凝九華之妙炁塵塵刹土現三

際之法身慈雲東闡於玄真聖日上宗於元
始玉毫遠照廓華蓋而六合彌綸金景旋飛
下崑崙而九幽昭朗枝洒空青之藥瓶流澄
碧之英妙矣玄機大哉至化凡皈依而有請
悉提獎以無遺今玄壇所度亡故某夙植塵

湯八

五

基幸逢道運龍符煥耀挽天河而洗前非鳳
簡熒煌開地基而除俗垢名快登於仙籍龜
疾證於真階亶藉提携敢忘嚙戴壇崇玉祀
既證質於初忱筵秩瓊林敢徼祈於終惠伏
願五神冰瑩萬烝波澄心易悟未畫之前性

初覺無名之始驪珠獨耀映滄海以涵虛蟾
玉孤明掛碧霄而煥景高步綠霞之境棲神
蒼極之庭翠菡承顏侍赤圓於長樂金芝綴
武凝青靄於方諸任揚拂石之衣常振登金
之履齋主其鼎新革故否去泰來既往已藉
於玉成注殃雲散見在更祈於錦覆考訟風
清春臺融喜氣之多夏屋萃歡聲之永五枝
挺秀七葉聯榮朱臉酣和漱瓊漿而霞映紫
髯留潤餐琅液以雲凝陰功丕著於鄉評陽
德永膺於家慶如蒙丹禱允拜洪恩上願覆

載清寧儀璘煥耀山靈薦祉川后呈祥熙熙
藏富於三農桑麻雨足蕩蕩收烽於四鄙榆
柳春閑無焚林竭澤之憂遂戾天躍淵之樂
三途五苦均鼓舞於福鄉六洞十宮悉歡呼
於壽域普提陰掾齊證陽僚臣下情不勝虔
禱之至

終獻

臣聞旋無色凝無淵函圓方而朗照親有德
享有道廓經緯以周流俯殫翼翼之小心仰
叩巍巍之大造光明濟下冀旌几奏之勤恍

惚質旁諒恕階升之瀆以今敷陳禮畢薦獻
情周蘭煙收鳳鼎之華蓮炬暗龍缸之燼前
瞻翠節將汎景於璇霄後矚珠旛已迴光於
瑤極月駟逶迤而旁舞雲龍遙邁以高征萬
聖旋班千真復位運元會道百神混合於泥
丸入妙凝真萬炁虛圓於玄牝臣下情無任
謹稽首奉送

送聖

復爐

寶華圓滿天尊引出

焚燎

設醮禮幕儀

陞壇步虛

臣聞一元肇運範圍經緯以生成三洞開圖
橐籥陰陽而化育故凡隸於名教孰有外於
陶鎔仰惟大造之涵容俯鑒小心之激切以
今恭焚道香德香无爲清靜香清靜自然香
妙洞真香靈寶慧香超三界香三景真香滿
瓊樓玉京遍周天法界無量寶香遥瞻供養
太上无極大道青玄老君太乙救苦天尊運

明保元上帝十方分身應化救苦天尊十華
真人八極真人大惠救苦真人九天普度院
三十六員真人普救真人普濟真人青玄黃
籙九司真衆日宮太陽帝君月府太陰皇君
南辰六闕上真道君北極九府上真道君五
方五德上真道君周天二十八宿真君天地
水府三官大帝泰玄樞機三省上相真君九
天諸司真君天曹諸司真君三天化主玄中
大法師真君三天大聖都天大法天師真君
靈寶經籍度師真君靈寶監齋大法師真君

北極四聖真君三洞四輔經籙法科上聖高
真神仙將吏本靖諸省府院司將吏兵馬五
嶽五帝真君五天聖帝洞天福地靖廬治化
名山洞府得道真仙祖玄真師列位真人北
陰艷都大帝東霞丹林扶桑大帝城隍社令
里域正神監察神祇侍衛宣通無鞅聖衆三
界官屬一切真靈仗此真香普同供養以今
奉爲某崇建某齋仰荷玄恩圓成齋福克卜
今宵恭陳三界清醮一座幾百分位延奉真
旂庸酬宸貺屬茲瓊筵肆啓瑤範將宣宜昭

格於虛无庸恢張於妙有欲望慈光密映真
澤潛孚翠葆珠幢縹緲雲飛於輦路丹旌清
蹕翩翩霞映於霄衢三介齊臨萬仙拱侍共
鑒葵傾之切庸歆芹采之恭班序齊周壇場
告備雲鏞逸響月籟流明恭對道前闕行法

事

太乙救苦天尊

洒淨

宣檢攝符

太乙救苦天尊

詣掌醮司啓白宣呪

太乙救苦天尊

詣降聖司幕上香

某謹上啓

三天門下降聖司真君三界符使四直功曹
仰冀真慈俯垂采覽以今齋主某披心大梵

湯八

稽首上玄盡齋戒沐浴之誠致蘋蘩藟藻之
薦尚祈聖造曲賜感通某仰惟縹緲鬱羅籠
葱劫仞紫雲積璨碧霧迴旋慮紛葩五濁之
庭非曲密九清之境難延颺馭徒冒憲章欲
望聖慈特為奏請

太乙至聖十方上真三界諸司十華靈衆各
嚴鹵簿俯降道場容臣降真召靈合神攝景
普集玄虛之象均臨廣大之筵其不勝虔祝
之至

焚三皇內文

雲衢寥廓 萬象澄清 風翻鳳輦 雨集雲蒸
太乙下觀 五帝颺迎 霓旌紛列 雨蓋華星
霞衣凝肩 煙帔羽青 侍從九九 百億神兵
金剛力士 擁翼千層 上通三景 下徹艷城
鹵簿仗衛 嚴護五丁 雲龍翠葆 月駟珠軒

步虛逸響 符寶宣并 俯仰庶類 仰羨華英

均臨黃道 瑞炁稜稜 流祥降福 大混天成

證明壇界 削落邪精 天恩眷育 地禁爛平

洪禧施萬品 惠澤遍寰瀛

太乙救苦天尊

湯八

九

華夏行香

燒香頌陞壇如式

靈寶領教濟度金書卷之九十八

靈寶領教濟度金書卷之九十九

洞微高士開光救苦真人竊全真授

靈寶通玄弘教水南先生林靈真編

科儀立成品青玄救苦齋

醫治全形靈官醮儀

入壇洒淨

燒香頌

具位某上啓

九天普度院三十六將軍一行官吏伏以青
玄御運弘三洞之真風黃籙開圖廓八紘之

惠日提拯死鬼於不夜超凌生鬼以長春必
有真曹共揚

聖化惟九天普度之將吏實十地救苦之仙
靈同寅叶恭贊生生於太乙承符宣德衍化
化於大千聖威煥耀於無垠神力攜持於有

造幽明咸賴今古攸遵今有某開度亡故某
超神北鬱返景東華慮生前疾病之支離致
死後形神之散漫非假醫治曷克完全茲先
遇於款延次專行於召役少伸葵志庸表葛
秉伏願風馬來臨列旌旂而後從雲驂莅止

整鞍勒以前驅俯降道場共宣德悃其不勝
虔禱之至謹當奉請

請神

初獻

散花

其上啓

湯八

+

九天普度院三十六將軍一行官吏伏以上
聖垂慈分職燮和於經緯下愚蒙惠建官調
理於陰陽凡神炁之疾傷藉仙靈之平復欽
惟將吏夙號威靈攝鬼提魂每雷轟於夜壑

蘇榮整衛常日赫於寒庭正死去之頭顱還
生來之面目號尊普度承青玄百寶之光壇
紀昇玄仰朱陵三華之耀提攜無極讚歎難
窮今有齋主某建設

某齋行召陰儀來親陽境切慮夙淪世網寧
無顛頓於沉痾今墮冥途所願調平於痼疾
庶俾還形而復舊方能委炁以回元可附靈
幡來參聖慕故皈依於拯濟斯保衛於安和
還復神奇頓除臭穢旣荷鑒臨之切敢伸懇
禱之私輒薦蘋蘩若投桃李願曲歆於奠獻

為直鑒於衷私某不勝虔祝之至

亞獻

散花

某上啓

九天普度院三十六將軍一行官吏伏以病

湯八

十一

有三因別內外不內外者三十六類脉明九
候辯表裏不表裏者二十四條雖受炁之有
殊而傷形之可愍或死非正命或殞墮迷途
或尚抱惡緣或已化異類或生前汨沒莫全
百骸五體之真歿後悽涼難復三關四肢之

舊匪憑陰貺曷遂私衷惟冀廣運神威廓施
妙化隨證施治爲返復於舊形對病行醫即
完全於新體以致如昔殞今殞均安保而炁
血如初他傷自傷悉和平而精神若故急附
播而受度悉離苦以登真毋令身病不除抱
千生之心病形傷莫療懷萬劫之神傷超脫
客塵各回本性天恩遍覆昭迴骸起死之榮
帝渥旁施耀監真度生之澤齊仙萬炁證妙
三元其不勝虔祝之至

終獻

散花

其上啓

九天普度院三十六將軍一行官吏以今籟
沉夜寂月淡河澄靈風扇道德之香仙靈共
樂惠露沛玄元之澤真聖同臨願廣暢於神
通下拯提於冥識遍際蟠充高厚普召靈儀
究經絡整衛榮即全覓爽庶天和之鬱勃俾
地禁之超離效職周圓別當奉送

向來

小開啓頒赦儀

小立真司幕

天師幕

贊引至道前列班

步虛

請水

宣解穢符

洒淨

宣辟禁符

啓白

湯八

十二

臣聞太極肇二儀四象之位凝生炁於東華
香林宣三途五苦之經度死魂於北府仁風
有耀化雨無垠故凡丹悃之羅敷必沐洪恩
之浩蕩以今恭炷道香德香無為香自然清
靜名香遍周天法界遙瞻供養

太上无極大道元始法王洞真天寶太上玉
晨洞玄靈寶道德高尊洞神神寶東華青宮
青玄老君運明保元上帝太乙救苦天尊東
方玉寶皇上天尊南方玄真萬福天尊西方
太妙至極天尊北方玄上玉宸天尊東北方
度仙上聖天尊東南方好生度命天尊西南
方太靈虛皇天尊西北方无量太華天尊上
方玉虛明皇天尊下方真皇洞神天尊大慈
大悲救苦真人大慈大悲大惠真人注生真
人普救真人東華青林太皇萬福道君金闕

上相檢仙司命東華道君金闕大夫東華領
真上清仙侯東華青宮皇極青玄丹元真衆
玄中大法師靜老天尊三天大法師六合高
明大帝三洞四輔經籙法科祖玄真師列位
真人本靖諸省府院司仙靈官吏青玄左右

湯八

十三

府黃籙主破符入獄出冥司黃籙察命大開
光司黃籙東華上命夜光召魂神司黃籙監
察司仙靈官吏黃籙符誥命飛雲通遊移籍
司黃籙追魂仙魂鍊魂司黃籙領魂錄功司
黃籙專度曲度普度司仙靈官君功曹將吏

五嶽四瀆洞天福地主宰神仙三界十方一
切真靈仗此寶香普同供養香乃玉華散彩
九炁凝煙香雲密羅徑沖九天侍香金童傳
言玉女與臣通奏上聞

帝前令臣所啓咸賜如言以今奉爲齋主某
克卜今辰肅建玄壇招真命靈依科闡事恭
願

上帝覃恩慈尊錫慶鑿與順動彩仗低回道
炁百千萬重簇三華之仙馭屬車八十一乘
離九炁之青天行幸靈壇圓成齋福諸天校

錄三界侍軒幽夜開光寒庭稟命香花散漫
鐘磬和鳴班序齊周壇場羅列清衆運誠關
行法事

宣降真召靈符

步虛旋行至香案前

真靈感應天尊

宣建壇牒

高功長跪啓曰請赦

具位臣誠惶誠恐稽首頓首再拜上言臣聞
天機密運於大元陰陽莫測帝渥昭敷於萬

有生死俱霑切惟艷域之幽深實司罪寃之
考對冥冥長夜杳杳泉扃非憑曲赦之慈悲
曷俾沉愆之洗蕩今齋主某幸因夙運獲際
真乘功行未修痛父天之長往玄元可度殫
心地以披誠乞準三洞隱書請頒青玄睿號

湯八

十四

寶赦期超逝鬼獲離迷途伏念臣塵境凡材
下愚濁質徒抱濟生度死之訣未明通幽達
微之方抗志出塵何心應物既皈依之切切
矜誠懇之依依恭按師傳請頒曲赦伏望青
玄救苦太乙慈尊俯垂恩光特賜俞允救下

三官九府泉曲艷庭嶽瀆河源城隍社令冥
關幽路考校真曹咸令依準奉行庶得九地
生春三途不夜雲開生而煙塞死慧日流輝
刀玉樹而劔騫林慈光普被陶鎔萬類化育
群靈干冒

天威臣無任之至再拜謹言

太乙救苦天尊

出堂頌

靈寶領教濟度金書卷之九十九

共

